

Swift
CANNED MEAT SPECIALTIES
Agente: **Wimco**

ARUBAANSE COURANT

KING SIZE COCA-COLA
MORE FOR YOU!

Diario pa



Aruba

Crush

NOW!! FOR COOLNESS AIRCONDITIONING
Tel. 2170
ELMAR

Anja 25

DIARAZON 30 DI OKTOBER 1963

No. 4780

ADVISOR JURIDICO FEDEPETROL TA YUDA I. O. W. U. A.

PALM BEACH, 30 okt. — Na e momenta aki ta di bishita na Aruba Dr. Orangel Aguilera Lugo, advisor juridico di Fedepetrol (Federacion de Trabajadores Petroleros de Venezuela), hunto cu senyor Carlos Binerua, presidente di „Carparacion de Ahorro y Credito“ (Banco di Fedepetrol), alavez miembro di directiva diario di e organisacion di trahadornan petrolero na Venezuela. Durante e dia di ayera y awe nan tabatin y lo tin encuentronan cu representante di Independent Oil Workers Union of Aruba (I.O.W.U.A.) pa delibera tocante di e problemanan cu cual e organisacion di trahadornan na Lago ta batalla na e momenta, y pa conseha en cuestion cu preparacion di e puntan pa un combenio colectivo di trabao nobo.

Dr. Lugo y senyor Binerua a bin Aruba pa delibera cu IOWUA ariba peticion di Fedepetrol y International Federation of Petroleum Workers. Esaki segun declaracion di senyor Binerua durante un entrevista cu nos

FIESTA DI HALLOWEEN DI TIVOLI Y CARIBE

ORANJESTAD, 30 okt. — Diahuebs p.v. e miembronan di Tivoli Club y Club Caribe lo bal celebra Halloween hunto. E fiesta ta worde celebra den e club na Wilhelminastraat. Tur participante a worde suplica pa bini den trabe di Halloween. Pa diezdos'or anochi un show lo worde presenta.

Bendementu di articulonan surplus di Caribe Fair

ORANJESTAD, 30 okt. — Dia Domingo dia 10 di november un gran cantidad di premionan cu a sobra di e Feria Cacique di Club Caribe, lo worde bendi na e miembronan di e club aki contra prijsnan masha rebaha. Ta un surtido enorme di articulonnan pa cushina, cos di hunga, termos, articulonnan di picnic y hopi mas cu lo worde bendi contra di prijsnan di cosito. Locual e miembronan no kier a cumpra dia 10 lo worde bendi na publico despues.

JIM BISHOP PA ARUBA

ORANJESTAD, 30 okt. — E escritor-periodista Mericano Jim Bishop lo yega Aruba diabierna p.v. pa sera conoci cu e isla aki. Senyor Bishop ta scribi un columna regular den hopi corant Mericano cu ta worde lesa hopi. Ademas e ta un escritor conoci. Di su man a sali c.o. „The Day Christ Died“ y „The Day Lincoln was shot“ Su bishita lo dura te diaduna.

Ariba peticion di Fedepetrol y IFPW, tur esaki respetando leyman Antillano y yuda sindicalmente e obreronan di Aruba.

Actitud stranjo

Ariba nos pregunta en relacion cu e accion cu senyor V. Figaroa y M. Lewis a tuma contra di directiva di IOWUA cu a worde elizi dia 26 di agosto ultimo, senyor Piferua a declara cu asina leu cu el a worde informa pa senyor Luis Tovar e ta hancha e accion menciona sumamente stranjo.

Segun su opinion e dos caballeronan menciona ta favoreciendo Lago, probablemente sin cu nan mes ta mira esaki. E representante di Fedepetrol tabata di opinion cu si Figaroa y Lewis no tabata di acuerdo cu e proposicion cu a worde tuma, anto nan no mester a duna nan voto pa tal cos. Y si sin embargo despues nan a cambia di opinion y no tabata di acuerdo, anto ainda nan mester a tene esaki den e union sindical y no haci un problema pafor di union, door di tene e caso dilanti hues. Pero nan mester a tene nan punto di bista y e motibu pakico nan no por acepta tal decision dilanti di un reunion general di e union.

Ariba nos peticion pa nan duna nan opinion tocante di e caso cu ta worde trata pa corte di husticia, e caballeronan no kier a duna comentario, como cu segun sr. Lugo a informa, nan no ta mucho na altura di esaki ainda, na promer lugar como cu tal casonan a worde y ta worde trata segun ley Antillano, di locual nan no ta na altura y pa di dos lugar nan kier tene un deliberacion promer tocante di esaki cu e abogado di IOWUA, esta Mr. P. van der Voort. E deliberacion menciona a keda di worde teni ayera tardi pa eino'or.

CLUB BONAIREANO A ORGANISA BARBECUE

SAN NICOLAS, 30 okt. — Dia Domingo ultimo, dia 27 di october a tuma lugar den Club Bonaireano na San Nicolas, un barbecue netamente Bonaireano.

E barbecue aki tabata algo distinto como cu e tabata worde forma pa platonan venia cu cuminda erioyo Bonaireano, manera „Carco, salon, etc.“

MR. NOLET A YEGA ARUBA

ORANJESTAD, 30 okt. — Awe ta yega Aruba mr. J.A. Nolet, e ambtenaar nobo pa Ministerio Publico. Senyor Nolet lo tuma e puesto cual anteriormente tabata di senyor Florencio Wernet, kende ultimamente a bai Hulanda pa completa su estudio di ley E ambtenaar nobo pa Ministerio Publico tin 26 anja di edad y a nace na Hulanda. Por lo tanto e lo keda tres anja na Aruba.

C.A. BRUCE A JEGA AWE

ORANJESTAD, 30 okt. — Senyor C. A. Bruce, cu den pasado a worde menciona como candidato pa un asiento di deputado na Aruba, a regresa awe for di Hulanda, caminda el a slaag pa su diploma di onderwijzer. Ta ser spera cu awor cu e Isaribenjo aki a regresa — casa y tur — senyor D. C. Mathew pronto lo tuma su decision si e ta acepta e asiento di deputado si of no.

SALUDOS FOR DI HULANDA

ORANJESTAD, 30 october. — Awe noch un cuarto pa siete Radio Kelkboom ta transmiti un programa di saludonan for di Hulanda. Por tene e stemnan di Jean Lejuez y Melena St. Jago, kendenan ta studia na St. Elizabeth Gasthuis na Arnhem.

HUELGANAN GRANDI NA BRAZIL

RIO DI JANEIRO, 30 okt. — Na Sao Paulo nan a tene awe mainta tempran unidacion militar den estado di alesta en relacion cu un peticion pa huelga na 700.000 obrero den industria. E deliberacionnan entre representante di obreronan y contraista tocante un redobla di sueldonan y otro exigencianan di sindicato a fracas.

Emily Yancy awor den Klompen Klub



Actualmente ta actua den Klompen Klub di Aruba Caribbean Hotel-Casino como estrella di e show di anochi e cantante Emily Yancy, un senjorha atractiva, cu tin un carerra renombrada como artista cabu tras di lomba. Asina el a actua den e

peliculan „Soñon y Gomorrah“ y „The World at night“, den e musicalnan „Oklahoma“, „The King and I“ y „Our Town“ y por a miré den e show di television „Tonight“ di N.B.C. Tambe el a actua den diferente clubnan prominentemente, entre

enel Condado Beach Hotel na San Juan Puerto Rico, Hotel Tamana-en na Caracas, Bricktopps na Roma, La Chunga na Cannes, Jazz Club na Madrid y Golden Slipper na New York. Emily Yancy ta bishita Aruba pa prome biaha.

Pronto bishita representantenan di CLASC na ARUBA

ORANJESTAD, 30 okt. — E situacion cu tin na e momento aki na Aruba, ariba tereno di e relacion entre Lago y Independent Oil Workers Union of Aruba (I.O.W.U.A.), en cuestion en e caso na Corte di Husticia contra di e union y e tardanza pa cuminsa deliberacionnan pa un Combenio Colectivo di Trabao nobo, no unicamente na nos isla ta worde sigui paso pa paso, pero segun e dia ta acercando cu e actual C.C.T. entre Lago y IOWUA lo yega na su fin (2 dec. 1963), mas personalnan y organisacionnan sindical ta muestra nan interes, pa yuda resolve e problemanan cu tin, antes cu e situacion empeora. Ya a muestra nan interes, Fedepetrol di Venezuela, International Federation of Petroleum Workers (I.F.P.W.) y tambe Confederacion Latino-Americano de Sindicatos Cristianos (CLASC).

Un di e personanan cu ultimamente ta na Aruba pa tene su mes na baltura con e situacion entre Lago y I.O.W.U.A. ta marchando ta senyor R. Tschumie, secretario interino di CLASC (Confederacion Latino-Americano de Sindicatos Cristianos) di Caribe. Senyor Tschumie a declara na nos cu CLASC ta hancha masha stranjo, cu Lago tin miedo pa I.O.W.U.A. afiliu internacional, segun el a declara e no ta mira ningun motibu pakico Lago mester tin miedo pa afiliacion internacional di e union di trahadornan di Lago. El a declara cu CLASC lo kier a haci Lago e siguiente pregunta: „Pa-

Bishita di CLASC

Segun un informacion cu nos a hancha for di senyor Tschumie pronto lo bin un cuerpo representativo di CLASC na Aruba. E intencion di CLASC ta pa duna yudanan na I.O.W.U.A. y coopera den tur sentido cu e obreronan di Lago.

ARGELIA Y PETROLEO DI SAHARA

PARIS, 30 okt. — Den un entrevista, cu television di Francia lo transmiti dia prome di november, pero tocante enal for di ayera algun particularidad a worde publica, e president di Argelia, Ben Bella, a declara cu nunca tabata e intencion pa nacionalisa industria petrolera na Sahara y cu tampoco esey lo sovede den futuro. Si Ben Bella ta di opinion, cu mester negocia pa yega na un cambio di e relacionnan entre gobierno Argelino y e companianan petrolera.

Protesta contra politica Mericano di navegacion

WASHINGTON, 30 okt. — Noruega, Suecia, Dinamarca, y Japon a protesta cerca Merca contra e stipulacion cu pa transportation di mainsh-Mericano pa paisnan comunista nan lo haci mas tantu posibel uso di bapornan Mericano, segun circulanon diplomatico na Washington a participa aniyera. Delegadonan di nacionnan mercantil di Europa occidental a papia na Washington na un reunion tocante eventual pasonan — posiblemente un protesta comun.

DECLARACION CONTRA DESCRIMINACION RASIAL

NEW YORK, 30 okt. — E comision social di asamblea general a acepta un declaracion den cual nan ta yama descriminacion racial den poco palabra violacion di derechonan humano. Ta exigi, pa castiga participacion di un tal politica. Nan a acepta e declaracion cu 89 contra sero voto, pero tabatin 17 pais cu no a vota.

Maske e paisnan aki, tabata di acuerdo cu e punto di bista general di e declaracion, nan no a vota, pasombra nan no por a acepta un cierto frase, den cual nan ta haci peticion riba gobiernonan pa tuma medidanan legal contra organisacionnan cu ta progresa distincion racial.

Diplomaticonan occidental ta di opinion, cu tal strafnan no por wordu pone obligatoriamente bto di un sistema di democracia normal. Asamblea general mester ratifica e declaracion aki.


Delegacion di Sur Africa — politiek Suraficano di apartheid ta condena den un declaracion special — no tabata presente.



Den cada bleki di verdura di LIBBY'S bo ta hancha, buniteza, sabrosura y algo mas inexplicable.

Nan ta worde empaceta na un manera pa conserva nan sabor fini. Nan ta worde cultiva den jardin selecta pa dunabo de lo mejor.

Asina facil pa prepara, y asina nutritivo!



FATUM — Tel.: 1845
pa tur bo aseguracion

Un otro orador di e atardi tabata senyor Enrico Emerencia, advisor hui ridico di UMB na Aruba, kende a elogia e bunita trabao di e directiva. Despues cu e „hariganan tabata ven y curazon contento“, Sensacion Musical a percura pa e tononnan bailable te mei anochi.

N.V. Winkel's Handel Mij.

Na Den Haag a conferencia di ministerium di e Union West Europeo a tuma lugar. E portret aki ta duna un bista di e mesa di conferencia na entusiasmo di e deliberacion. Na e cabes di e mesa ta: J.M.A.H. Luns como presidente.

E YUDANZA DI FRANCIA NA ARGELIA

PARIS, 30 october. — Premier Pompidou di Francia a bisa durante tratamentu di e presupuesto pa asuntunan Argelino den Asamblea Nacional di Francia, cu si Francia ta dispuesto pa yuda estado di Argelia, anto Francia meser considera e yudanza ey cu e manera cu Argelia ta comporta cu Francia. Pompidou a bisa: „Mi ta desea cu e lidernan Argelino ta comprende mi y lo mira cu cada pasenshi tin su limitenan y cu ta depende exclusivamente di nan si e cooperacion ta sigui.

EXPANSION DI EDIFICIO DI NACIONAN UNI


NEW YORK, 30 oct. — Secretario general Oz Thant a pone casi tres miljon dollar na disposicion di Asamblea General pa expansion di edificio di cuartel general di Naciones Uni na New York. Cu plannan a conta cu aumento di e cantidad di miembronan di organizacion aki te 126. E actividadnan lo cuminsa na januari y lo mester termina pa inauguracion di siguiente sesion na septembar di otro aña.

Eleccionnan na Inglaterra lo tuma lugar na mei 1964

LONDEN, 30 oct. — Si no socede nada particular e premier nobo di Inglaterra tin intencion di tene eleccionnan general entre 15 di mei y trata di juni di otro aña, asina a wordo informa di fuentenan generalmen bon na altura. Segun constitucion e eleccionnan mester wordo tene mas tarda na october di otro aña, ora cu e mandato di cinco aña di e actual parlamento ta termina.

Parse cu premier Douglas Home, kier duna su minister di finanzas, Reginald Maudling y Edward Heath, minister di comercio, tempo pa nan presenta nan mes na publico.

E famia Real for di algun dia cuba ta na eus atrobe despues di nan bishita na Persia y Thailandia. Un di e momentonan mas grato di e viahe pa Thailandia seguramente ta forma e escena aki caminda e bishitantenan Real por a festegia un baile di elefantenan. Naturalmente e cameranan a wordo saca pa e evento aki. E baile di elefantenan aki a tuma lugar durante un bishita na Chiangmai den norte di Thailandia.



Demonstracion massal contra golpe militar na Sto. Domingo

SANTO DOMINGO, 30 okt. — Polis na Santo Domingo a usa antayera bomnan lacrimogeno pa plama un multitud di 10.000 persona na un demostracion contra e golpe militar di estado, cu a tumba gobierno di president Juan Bosch. E demostracion tabata organisa pa e partido revolucionario di Santo Domingo, di cual e ex president tabata lider.

Esaki ta e prome demostracion cu e partido a tene for di cu e junta militar a tuma poder luna pasa. E demostracionnan a rezbaya e golpe di estado y a exigi regreso pa e situacion legal. (Ambos camara di congreso a keda disolve despues di e golpe di estado). Polis a pone bariadanan, despues cu tabatin atrobe irregularidadnan den distrito di ciudad nobo.

Ministerio Dominicano di enseñanza a participa, cu enseñanza na schoolnan secundaria den e pais a keda suspender pa algun tempu. Esaki a tuma lugar pasombra agitadonan comunista, segun e ministerio ta bisa e estudiantenn contra gobierno.

COSTA RICA A FIRMA ACUERDO DI COFFIE

NACIONAN UNI, 30 okt. — Costa Rica ayera a firma e acuerdo internacional di coffie. E acuerdo aki ta pidi pa un mehor equilibrio entre e pregunta y oferta loke ta referi coffie riba mercadonan mundial. Ya 20 pais cu ta exporta coffie y 8 cu ta importa a ratifica esaki.

GUADALOUPE AZOTA PA HELENA

POINT A PITRE, 30 okt. — 5 persona perdi 114 levemente herida, varios cien persona sin cas, danjo na plantacionnan, varios caminda, brug y wayanan di telefon destrui, o kibra — tabata e prome balans di loke e mal tempu cu a dura 24 ora, a causa Guadalupe. E mal tempu aki ta causa pa orcan Helena. Ademas 20 hutor a keda destrui.

Helena a pasa diasabra anochi riba Guadalupe, diadomingo no tabatin mas peliger pa orcan. Pero den marduga y dialuna den dia tabatin yobidanan duru riba e isla, cu a causa inundacionnan. Laman altu a benta bapornan riba eosta. Ehercito y servicio di obras publica ta traha pa drecha caminda.

ATROBE DEMOSTRACIONAN CONTRA DESCRIMINACION RASIAL

PHILADELPHIA, 30 okt. — Mas di 500 hoben, a tene antayera nochi un demostracion na Philadelphia en relacion cu morto di un Mericano di colo di 24 aña, cu e polis a tira mata diasabra pasa, pasombra segun el a anuncia e hoben a amenaze cu cuchu, ora cu el a atrapá ta horta.

Durante demostracionnan, nan a benta piedra riba auto di hendenan blanue y varios bentana di glas di pacus a kibra. Nan a horta den algun showcase. Polis a aresta varios demostrante. No tabatin ningun herido.

Na St. Louis, Missouri, mas di 350, catolico entre cual hopi religioso, a tene un desfile cu tabata expresion di nan desaprobacion pa descriminacion rasial. 75 Porciento di e demonstrantenan tabata herde blanue.



CISCO KID presenta pa cortesia di ARUBA BOTTLING COMPANY NESBITTS den varios sabor, e refresconan mas pidi y mas gusta na Aruba.

1. Bo ta bai horta algu? Nada!
2. Kiko bo tin eyan?... duna mi esei.



EPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sanitario.

1. Bo kier dos, tres, of cuatro pida pan?
2. Bo kier nan tos a?
3. Y bo kier pa mi pone manteca?
4. Bo a lubida di puntra mi, pa ki banda mi kier nan.



YABI

pa bo exito

Avisa den ARUBAANSE COURANT y compara e resultado

DORVAL

COMFORTABLE DURADERO ELEGANTE

Un lote grandi den tur tamajo. NA PRIJSAN MASHA FAVORABLE Pasa awe mes na

LA LINDA

Pa motibu di fiesta di

TODO LOS SANTOS

nos ta cera

diabierne awor, 1 di november 1963

Banco Popular Antiliano N.V.

Havenstr. 2 — Oranjestad.

DIRECTIVA DI JAMANOTA CLUB

ta invita tur DONJONAN DI CAHA DI ORGEL pa asisti na un reunion diabierne awor

1 di november 1963, pa 8'or p.m. den JAMANOTA CLUB.

Ta trata di e concurso di calnan di Orgel, cu a bira un tradicion na nos isla. Tambe tur interesadonan ta bon-bini na e reunion aki.

ISRAEL TA HACI JAMAMITU RIBA EGYPTO

JERUZALEM, 30 okt. — E premier di Israel, Levi Esjkol, den un discurso dirigi na lidernan Haddi di Merca a haci un yamamitu riba president Nasser di Egipto, pa stop e actual competencia di armamentu y pa e haci mescos cu Israel ta haci, esta haci esfuerso pa paz. „Semper Israel tabata prefera un acuerdo no agresion cu Egipto, y tambe desarme completo bao di inspeccion y vigilancia mutua. E politica aki ta valido te ainda, asina e premier di Israel a bisa.

E CONFLICTO NA E FRONTERA ARGELINO

ARGEL, 30 october. — Foi Marokko nan a anuncia cu e situacion ne dos oasinan Hassi Beida y Tiojeb tabata ketu. Circulonan diplomatico ta hanja situacion serea di Tindouf un explosion militar.

Rey Hassan di Marokko y president Ben Bella di Argelia, tabata ayera nochi, vispera dje conferencia cumbre di Bamako, optimista en bista dje chens riba arreglo dje conflicto fronterizo. Ben Bella a bisa, cu e ta sali cu intensionnan pacifica. Rey Hassan, a bisa di sali pa Bamako pa convense Ben Bella dje necesidad urgente pa un arreglo.

ERHARD PA MERCA

BONN, 30 okt. — Cansiller federal Erhard, ta wordu spera diadomingo 24 di november na Williamsburg den estado Mericano Virginia, for di cuminda e lo contra su helicopier, cu viahe pa Washington pa delibera cu president Kennedy. E lo keda dos dia den capital di Merca.

TA BENDE

1 Stoof (4 candela) pa FI 150,—

1 Nevera „FRIGIDAIRE“ casi nobo F. 300,—

Algun pinturas.

Pa inf.: Acudi na Rondweg 21, of jama TEL. 2621.

ORCAN GINNY TA MENAZA INGLATERRA

WASHINGTON, 30 okt. — Orcan Ginny ta move den direccion di Cabo Cod na Massachusetts cu velocidadnan di biento di 153 km. pa ora, door di cual Inglatera ta amenaza pa e orcan, aki segun e oficina meteorologico a anuncia.

E orcan a causa yobida duru na Connecticut cu a pone fin na un periodo largu di secura na e lugá aki.

MISION DI NACIONAN UNI NA SUR VIETNAM

SAIGON, 30 okt. — E comision di investigacion di Naciones Uni na Sur Vietnam a bishita un campamentu di anternacion den ecreania di Saigon y a papia cu estudiantenan, cu ta cynan for di dia cu gobierno a tuma medidanan contra Boedhistanan dia 20 di augustus.

Parce cu den e campamentu tin 200 estudiante y alumnonan di escuela secundario. Corresponsalnan no a hanja admision den e campo.

TIRE

usa, pero den bon condicidn y tire original di marca nan mundialmente conoci, NA PRIJSAN SIN IGUAL! pasa awe mes pa un set...

Pa menos placa bo por hanja e mescos na:

PANAMA STORE

UN BON PEINADO TA NIFICA MASHA HOPI!

* luci mas atractiva, mas agradable, mas femenina.....

Luga nos duna bo e peinado cu ta fit bo mehor

Clientenan di luna f 12.50 incl. Corta y un oiltreatment gratis

CHIDA'S BEAUTY SHOP

Zeppenvelstraat 13 — Tel. 5787 San Nicolas

PEOPLE STORE

San Nicolas

a caba di ricibi:

* TELA PA CORTINA den disenjonan moderno

* PANJA DI MESA cu kanchi y bunita terminacion

* TELA PA BISTIR un surtido unico, di alta calidad y wash & wear.

* ZAPATO „CAPEZIO“ pa damas den ultimo creacion tambo nos tin boton, gresp, kanchi, etc. y hopi otro articulo mas.

Durante Oct., Nov. y Dec. nos tin un rebata especial ariba tur articulo.

PEOPLE STORE

e cas di pueblo y semper pa e pueblo!

Nos a caba di ricibi MILES DI GALON DI Valspar

Bo ta bai verf bo cas pa dianan di fiesta vendidero?

Anto participa den nos plan di spaar

* Deposita algo ariba e verf cu bo mester, despues cu bo tin mitar di e valor paga, bo por hiba e verf, pagando e otro mitar te OTRO ANJA...


ESAKI TA OTRO SERVICIO APART DI

ANTILLIAN MERCANTILE CORPORATION

Oranjestad — Tel. 1145

San Nicolas — Tel. 5635

Dos specialista Ruso riba e tereno di cirugia di curazon, e profesornan Krylov y Solovjev a bishita e Antonius ziekenhuis na Utrecht. Riba e portret d.r.p.d. dr. C.L. van Nieuwenhuizen, specialista di curazon di e hospital, prof. Solovjev, dr. A.L.E.M.S. Schaepkens van Rieps, cirurjo di curazon y prof. Krylov banda di e tal curazon artificial cu ta den e hospital.



CHINA LO REANUDA PRUEBANAN NUCLEAR

TOKIO, 30 okt. — Mariscal Sjen Yi, segundo presidente di e partido di China Comunista, a declara periodistanan Japonés cu actualmente ta bishita Peking, den un entrevista, cu cada potencia grandi mester tin pa su prestigio, armanan nuclear y raket.

Esaki tambe ta un rizon, cu China den futuro mester reanuda su pruebanan nuclear. E pais aki no por permiti su mes di bira un potencia di dos y di tercer rango, segun mariscal Sjen Yi. Tambe pa defensas China mester tin armanan nuclear segun mariscal Sjen Yi. Pero e no a bise exactamente ki dia China lo tin arma nuclear den su poder. Produccion di gran escala di esaki tin mester di algun tempu mas, pero China lo continua pruebanan den anjanan cu ta bini sin stop.

Chroesijstef a yega di bise cu construcion di armanan nuclear ta algu costoso, di moda cu China lo por bini sinti falta di placa pa procura pa curson. Mariscal Sjen Yi a bise en relacion cu esey, cu China mester tin e armanan mas moderno y cu e no tin interes actualmente pa ta miembro di Nacionnan Uni. Bao di e actual circunstancianan e pais no tin necesidad di hunga un papel den Nacionnan Uni, asina Mariscal Sjen Yi a agrega.

Economia di China actualmente ta den un posicion di reorganizacion despues di e "paso grandi dilanti".

E reorganizacion aki parcialmente ta causa di e desastrenan natural, e disparacion di e tecionnan Ruso y e bloqueda di Merca contra China, asina e

PROCESO DI SPIONAHE WENNERSTROM

ESTOLCOLMO, 30 okt. — E oficial Sueco di fuerza aerea Sig Wennerstrom cu a bebe un dosis grandi diahuebs pasa di pulchi pa drumi, mientras e tabata spera su proceso di spionage, antayera noch a conta polis con e por a monitona casi e dosis mortal. Segun e agencia Sueco di prensa el a bise di a haci net manera cu el a guli e pulshinan di drumi cu dokter a prescribi. El a warda esakinan sin embargo den su boca: El a haci esaki te ora cu el a colecciona un cantidad cu segun su opinion tabata suficiente pa un suicidio.

REDDY KILOWATT

ta invita tur hende cordialmente pa scucha noticia na papiamento tur dia pa 6.45 p.m. via **TELE-ARUBA** sponsor pa

ELMAR



PELICULA DI CAMPEONATO DI FUTBOL

(Di nos redactor Deportivo) Pronta la warda exhibi den e diferente teatranan di nos isla, un pelicula di e **Promer Campeonato Norte, CentroAmericano y del Caribe di Futbol cu e anja aki e worde teni na e Republica di El Salvador. Na e campeonato aki, cu anteriormente tabata unicamente pa e paisnan Centroamericano y Caribe, a tuma parti Costa Rica, Antillas Hulan-des, Jamaica, Guatemala, Panama, Nicaragua, Mexico y El Salvador.**

Manera ta conoci Antillas Hulan-des a keda den e tercer puesto, restando como campeon invicto e ticoan.

Den e pelicula aki diferente hugada emocionante di practicamente tur partido por worde presencia. Casi un ora e partido ta dura, den cual tambe por mira algun parti di e pais sede, mecos cu momento di entrega di e diferente trofeonan y di un recepcion teni na honor di e participantnan.

E delegacionnan por worde mira tambe den nan momentonan di sosiego cu nan tabatin entre e diferente fuerte partidonan.

E onena Antillano ta worde presencia den diferente ocasion. Nos por mira bunita hugadanan, tanto di e muchanan antillano como di e otro paisnan cu a participa na e campeonato.

Na e fanaticonan di deporte di nos isla, nos por recomenda pa weta sin falta e interesante pelicula aki. E promer presentacion lo ta dia 5 di november den Teatro De Veer.



President Tito y su esposa a bishita Merca y awor ta di regreso abordo di e bapor Hulandes „Rotterdam“ pa Joegoslavia. Durante su bishita na Merca Tito a hanja un bon acogido manera e portret aki ta mustra, caminda un mucha muher chikita ta ofrese flor na e president di Joegoslavia.

Cumpleanjos

Awe dia 30 di october ta celebra su feliz cumpleanjos e joven Benedicto de Cuba, felicitation ta bini di su cuina Johanna, tata Andres, tuman Maria, Miano, Dia Frans, Chipi, Cobito, welonan y tantanan, omonan, primo y primanan, padrinoan, Crescencio de Cuba y Thomas Kelly, madrina Teresita Kelly, y di tur su amigonan di firma K. Leonstra y demas famia De Cuba y Figaroa.

Dia 30 di october ta cumpli anja e chikitiñ Alfonso Rodriguez Werleman, felicitation ta bini pa parti di su estimado tata Jan, mami Tina, welonan, welo Jose, rumannan, tanta y omonan, primo y primanan, especialmente di su madrina Catharina Croes y di su onno Benito Geerman.

PROCESO ANTI SABOTAJE NA PRETORIA

PRETORIA, 30 okt. — Apesar di un resolucion cu asamblea general di Nacionnan Uni a acepta dia 11 di oktober cu voto general, den cual nan ta exigi pa stop e proceso aki, nan a reanuda ayera mainta na Pretoria e acusacion den e asunto di justicia contra 9 acusado Africano y dos blancu, kende nan ta acusa di diferente violacion di e ley anti-sabotaje.

Nan ta considera e acusadonan lider di e partido Africano nacional di congreso. Nan a keda aresta dia 11 di juli pasa. Polis a tuma for di 24 ora pa dilanti, medidanan di precaucion pa stroba personanan cu kier causa desorden.

Ayera mainta tabatin gran interes entre e personanan riba tribuna publico. Ademas di famillanan di e acusadonan tabatin tambe observadornan di exterior, diplomaticonan y periodista.

AGENDA CINE

Diaron 30 october 1963
DE VIER 6 p.m.: „Sindbad the Sailor“ all
8.30 p.m.: „Jessica“ 18 J
RIALTO 8 p.m.: „Cuando Viva Villa es la Muerte“ 18 J
PRINCIPAL 8 p.m.: „Acosada“ 18 J
AURORA 7 p.m.: „Susanne“ voor dames.
9 p.m.: „Susanne“ voor heren 18 J
SAVANETA 8 p.m.: „Let no Man Write my Epitaph“ 18 J

BOTICANAN DI WADA

Oranjestad: Solica del Pueblo tel. 1252-2154
San Nicolas: Solica San Lucas tel. 5119

DOKTERNAN DI WADA

Oranjestad: Dr. Ewald
San Nicolas: Dr. Forrester
Santa Cruz Dr. Ludovic

WIT-GELE KRUIS

Oranjestad: Dr. Ewald
San Nicolas: Dr. Forrester
Santa Cruz Dr. Ludovic

POSTSLUITINGEN DIARAZON

Argentinan
Bolivia 8.00, Canada 8.00, Chile 8.00, Colombia 8.00, Costa Rica 8.00, Cuba 8.00, Ecuador 8.00, El Salvador 8.00, Europa 8.00, Guatemala 8.00, Haiti 8.00, Honduras 8.00, Br. Honduras 8.00, Jamaica 8.00, Mexico 8.00, Montserrat 8.00, U.S.A. Miami Fla. 8.00, Azile-Afrika-Australia 8.00, New York 8.00, Orleans 8.00, La. 8.00, Nevada 8.00, Nicaragua 8.00, Panama 8.00, Paraguay 8.00, Peru 8.00, Puerto Rico 8.00, Rep. Dominicana 8.00, St. Kitts 8.00, St. Maarten 8.00, Suriname 8.00, Trinidad 8.00, Uruguay 8.00, Venezuela 8.00, Virginias Eilandnan 8.00, Maracaibo 8.00, Cerramento di pizanan cartica ta un ora prome cu di post.

RADIO ANTILIANA

Diaron 30 october 1963
05.30 Apertura
06.10 News in English
06.30 Noticianan na Papiamento
06.45 To 7.45 a.m. Bal trabao den compania di bo companero constante Radio Antiliana
07.10 News in English
07.30 Noticianan na Papiamento
07.45 Noticie musical
08.30 Musica varia
09.15 Programa pa amanan di cas
11.15 Rogalo musical
12.00 Melodias Antillanas
12.15 Noticianan na Papiamento
12.25 Melodias Antillanas
12.45 Charla deportiva
01.00 North American Music
02.00 Album di recuerdo
02.30 Boleros romanticos
03.00 Festival musical
03.30 Programa pa Pacientnan den hospital
04.00 Programa „La Esperanza“
04.30 Peticiones
05.00 Noticianan na Papiamento
05.15 Calypsoarama
05.30 Calendario Antillano
05.45 Musica varia
06.00 Charla deportiva
06.15 Musica Norte Americana
06.30 News in English
06.45 Variedad musical

RADIO KELKBOOM

Diaron 30 october 1963
7.00 Opening
7.02 Bon dia cu alegria (Instrumental)
7.30 Musica maillina
8.00 Seleccion musical cu disconan
8.15 Musica varia
8.30 Cumpleanjos Feliz
9.00 Noticia social
9.15 Musica varia
9.30 Melodias instrumentales
10.00 Noticianan internacional
10.05 Ritmos Latinas
10.30 Programa di N. Habibe Jr.
11.00 Noticianan internacional
11.05 Musica Norte Americana
11.15 Musica Antillana
11.30 Musica varia
12.03 Noticianan internacional
12.20 Musica Norte Americana
12.45 Noticianan local
01.00 Musica varia
01.30 Mel ora cu boleros
02.00 Novela (repeticion)
02.30 Melodias instrumentales
03.00 Cha cha cha
03.15 Merengues
03.30 Calypso
03.45 La Macoriana e Internacional
04.00 Musica cu sabor Azteca
04.30 Noticianan local
04.45 Cestral musical
05.00 Danzones Cubanos
05.15 Musica varia
06.00 Noticianan deportivo
06.15 Musica varia
06.30 R.V.D. (Regerings Voorlichtings Dienst)
06.45 Groeten uit Nederland
07.00 Noticianan internacional na Papiamento
07.15 Musica Europeo
07.45 Musica Norte Americana
08.15 Novela (Vida Robada)
08.45 Musica varia
09.15 Hit internacional
09.45 Variedad musical
10.00 Sluting.

TELE-ARUBA

Diaron 30 october 1963
05.30 Cartoons
06.00 N.A.N.A.A.
06.30 Cita con sorpresas
06.45 Papiamento Newscast Live & Filmnews
07.00 Phil Silvers Show
07.30 Sports News
08.15 English Newscast Live & Filmnews
08.30 English Newscast Live & Filmnews
10.00 Sign off.

RADIO CARACAS TELEVISION

Diaron 30 october 1963
8.45 Senderos de Luz
9.00 Cita con sorpresas
9.30 Jardin de Infancia
10.00 Juegos por T.V.
10.30 Programa de Cecilia Martinez
11.00 Supermercado del aire
11.15 Quien es quien en T.V.
11.45 Novela
13.00 Noticias
13.05 Cont. Show de Saume
13.15 Se necesita una amiga
14.05 Novela
14.00 Punto y aparte
14.30 Yo se lo vendo
15.00 Estudio Hector Monteverde
15.30 Perfecta ama de casa
16.00 Aventura Popeye y Yoyo
16.30 Melas y sus muchachas
17.00 Busque el mar
17.30 Pelicula
17.55 Noticias
18.00 Randall el justiciero
18.30 Mi hermana Elena

RADIO VICTORIA

Diaron 30 october 1963
A.M.
9.00 Apertura
9.05 Ultimas noticias
9.15 E. Bijbel habri
9.30 Bo programa
10.00 World newa
10.10 The Bible for you
10.15 Radio Revival
10.45 Sacred songs
11.00 Chapel of the air
11.15 El libro inmortal
11.30 Melodias di merdia P.M.
12.00 Ultimas noticias
12.15 Musica sacra
12.30 World news
12.45 Quiet time
1.00 Radio concert hall
2.00 Reading room
2.15 Songs of Zion
2.30 Quiet hour
2.45 Ensenos musicales
3.15 Cafe cu musica
3.30 Ecos del cielo
4.00 Musica di banda
4.15 Ultimas noticias
4.30 E ora adventuroso
4.45 Noticias Spanjo
5.00 La hora nazarena
5.15 Palabranan di bida
5.30 Musica para la cena
6.00 Ultimas noticias
6.30 Bo preunata contesta
6.45 Noticias de Merca
7.00 Windows on Holland
7.15 Linnin Post
7.30 Oranjestad
7.45 Miracles
8.15 Off the record
8.30 Back to the Bible
9.00 Musical and life hour
9.30 Light and life hour
10.00 World newa
10.45 Kiaskeke muziek
11.00 Sign off.

SITUACION NA LAOS

WASHINGTON, 30 okt. — Un vocero di e ministerio Mericano di asuntunan exterior a bise, cu nan a ricibi noticia cu e forzanan comunista di guerra di Pathet Lao na Laos ta hanja reforza for Vietnam del norte. Actualmente nan no mester mira esaki mas como un preparacion pa atakanan nobo, segun a ser bise.

LIMITACION DI CERBEZ NA CUBA

MIAMI, 30 october. — Gobierno Cubano a prohibi bendemento di cerbez durante oranan di trabao. Segun Radio Havana a participa. Ne manera aki, obreronan por cumpria cerbez despues di nan trabao diario y e parafisionan no tin ocasion pa hanja cantidadnan grandi di cerbez, segun a ser agrega.

DIANA E HUERFANA

— 34 —

—Lastimamente mi no por juda bo esposo mas, condesa. El a coge e condesa prome cu e por a cai na suela. El a hise bai pafor. Un sirvienta a mustr e caminda pa su kamber. Com e parse Diana hopi el a pensa, mientras el a pone e senjora riba su cama.

—Algu a pasa dokter? e sirvienta a puntra poco poco.

—Bo por bai. Alejandro a mustra cu su cabez pa e porta. El a muha un panja y a pone riba cabez di Gina. Algun minuut despues e condesa a habri su wowo. Su bista a keda para riba e cara varonij y trankil di e dokter hoben.

—Bo ta stima Diana? el a puntra, manera esaki tabata e cos mas importante na e momento.

—Si, el a contesta simplemente despues di poco ratu. Y mi a bini pa puntra pa bira mi esposa. Mi... mi tin miedu sin embargo y mi ta spera cu bo por papia cu Diana pa mi.

—E ta jega un bez aki, Alejandro. Mi tin mag di jama bo asina toch? Diana a conta mi di bo. No tabata mucho bon. Bo a usa e mucha pa estudianan sociologico.

—Esey no ta berdadi! Di unda bo a saka e idea ey, senjora?

—Diana a conta mi. Y tambe cu abo tabata comprometi. Bo mama a conta Diana tur cos.

—Esey no ta berdadi. Mi mama... e tabata kier, pa mi compromete. Y ora cu Diana a bai laga mi, mi a hacie pa malu. Tabata un error, pero mi ta liber atrobe. Y eni ta stima Diana.

—Mi ta kere, cu e ta bini, e condesa a bise, ora cu el a tende un auto para. Y mi lo keda contentu si bo so tur dos bini serca mi.

—Mi ta respecta bo. Mi tabata kier pa bo ta Diana su mama. No pa e titulo, pero pasobra mi a sera bo den mi curazon caba.

—No papia asina hopi. Diana ta spera, e condesa a sonrei, cu awa den su wowonan.

Abao Alejandro a topa cu Diana. E tabata bisti na blancu y solamente a mara su cabez cu un panja. Ora cu el a mire, Diana a bira corra.

—Mi ta contentu di mira bo atrobe, Alejandro a bise carinoso. Bam por fabor den sala mi mester papia cu bo.

—Mi no tin nada di bisa bo mas. Bo ta gasta bo tempo por nada dok, ter.

—Mi chikita orgulloso, manera

—Lastimamente mi no por juda bo esposo mas, condesa. El a coge e condesa prome cu e por a cai na suela. El a hise bai pafor. Un sirvienta a mustr e caminda pa su kamber. Com e parse Diana hopi el a pensa, mientras el a pone e senjora riba su cama.

E cabez di e mucha muher a zak dilanti. Con bunita lo ta si e por a bise si awor, pero prison y berguenza tabata warda awor, y un hende asina Alejandro Wilson no por a easa cu ne.

—Bo no ta bisa nada? e hombre a puntra suave. Kiko tin Diana, bo... no kier?

Algun hombre a habri e porta y a camina dreuta. Tabata hende di polis. Automaticamente Diana a coge Alejandro tene duru.

—No spanta, mi amor, conde Van Hassenkamp... a mata su mes. Pakiko mi no sa.

—E ta morto? Semper el a odia mi. Dios bendiciona su alma.

Alejandro a splica e hombernan caminda nan por a hanja e conde.

—Mi ta bini despues tambe.

—Y mi a pensa cu nan a bin busca ami. Diana mester a conta tur cos.

—Mi ta hura bo cu mi no a horta e pulsera, el a termina su historia. Pero naturalmente ningun hende lo no kere mi.

—Bo ta lubida, mi a kere bo semper, un voz na porta a bise. Condesa Gina no por a wanta mas. Algu tabata hale pa su yiu. El a sere den su brazanan. Mi tabata sa cu bo no por a haci algu asina.

—Si, bo a kere mi, senjora condesa. Pero ningun hende mas. Su bista a cai riba Alejandro, tabatin un pregunta den su wowo.

—Mi tambe ta kere bo! el a sigura. Mi lo drecha e asunto.

—Y si bo no ta logra? Diana a puntra. Nan no tabata sospecha cu e condesa tabata mes curioso pa Alejandro su contesta.

—Esey no ta cambia nada na mi sentimentunan.

—Bravo! E condesa tabata contentu. Pero bo no tin mester di preocupa. Alejandro. Diana lo no worde keha. Mi tin pruebanan. Pero esey no ta tanto importante na e momento aki. El a pone su man riba su yiu.

—Bo ta mi yiu, Diana. Mi a sinti esey un vez, y awor mi sa sigur.

—Pero mi mama... e mucha muher a guli.

—Tur cos tabata mentira. Conde Hassenkamp... ta morto. E kier a limpia su revolver. E tabata masha nervioso awe... el a descuida.

RIP KIRBY

JAN BODEGOM & CO (Aruba) N.V. TEL. 1284 — 1402

agente exclusivo di FRIESCHE VLACH lechi evap orado y lechi en palvo MAXWELL HOUSE KOFFIE

1. Escorpio a reuni un fortuna den joyas y placa.

2. E mester a bini New York pa bende un parti di e tesoro y el a hanja sa cu eni ta investiga su actividadnan.

3. Bo tin sigur Rip cu ta solamente tabaco bo tin den e pipa?

Mes sigur cu di e bolobonchi den mi cabez.



DICK TRACY

1. Unda e parha ey por ta? Kiko a pasa cu ne?

2. Si, ta Bono Jack, mihor conoci como Jimmy-the-Juice.

Pero Bono Jack ta un violinista?

3. Pero, su sorto di violin cu e tin, ta parece un typemacchine.

4. Mi ta kere cu mi a cumenza comprende. Mi ta coge e cabuja.

Mientras abo ta keda teno e parha na bista.



ESCANDALO DEN CIRCULONAN POLITICO DI WASHINGTON

Investigacion di F.B.I.

WASHINGTON, 30 okt. — Comision pa reglamentacion di Senado Mericano a cuminsa cu investigacion di actuacion conductiva y ocupacion di un ex miembro di personal di Senado, kende ta menciona den cierto noticiario di prensa tocante un bunita mucher Aleman cu na agosto pasa di pronto a wordu manda Bonn for di Washington.

E delegado republicano Gross ayera a pidi den Camara di Delegadonan pa investigacion en relacion cu un articulo di corant den cua nan ta yama e dama un conso di Robert Baker, ex-secretario di fraccion democrático den Senado. Gross kier a sa si seguridad di estado tabata den peliger.

Den e articulo menciona den „Des Moines Register“, ta para cu e mucher Aleman aki — cu yama Elen Rometsch, y ta casa di un sargento di Alemania Occidental cu ta uni ne mision di Alemania Occidental na Washington — a bishita un cas cu ta propiedad di Baker. Poco prome cu na servicio secreto Mericano FBI a cuminsa un investigacion pa su actividad nan a mande bek Alemania. Segun e corant e tabata mantene relacionnan cu ambienan huntu y miembronan di Congreso y tambe e tabata amigá di figuranan prominente di Casa Blanca.

Un vocero di ministerio di exterior di Alemania Occidental a par-

tie sa na Bonn, cu senjora Rometsch di 25 anja, cu foi 1953 a hui di Alemania Oriental pa Occidente, a sali na anja 1961 cu su casa pa Washington, ora cu nan a nombra su casa representante di asuntunan logístic na Merca. Rolf Rometsch, cu e vocero a yama un homber di gran capacidad tambe a regresa Alemania.

E casa di homber aki, segun e vocero, no tabatin contacto cu potencialnan di Europa Oriental. Entre 1960 y 1962 tambe su mayornan y rumannan a hui pa Occidente. Sargento Rometsch, cu actualmente ta traha na Colonia serea forza aereo di Alemania Occidental, a pidi divorcio despues di a regresa foi Washington.

Senjora Rometsch, cu ya algun persona ta yama Christine Keeler di Washington, a contradeci den un entrevista cu e agencia di prensa di Alemania Occidental DPA tur rumor nan aserca di su persona. E ta supone, cu su amistad cu un secretario di Capitolio a causa e escandalo aki.

Senjora Rometsch a declara tambe cu el a sera conoci cu hopi mucher di kende nan a bisa cu nan ta conoce hopi Mericano cu tin influencia, pero cu e mes jamas a papia cu esakinan, tampoco ne tustanan caminda nan sa inviele. Jamas e tabata so o den circulonan chiki cu hombernan Mericano.

E divorcio cu el a hantia dia 27 di december pasa no tin nada que ber-

cu e asunto, segun senjora Rometsch a continua.

Loke ta referi contactonan cu paisnan di Oost Europa, el a declara cu e tin solamente un rumán muhe na Alemania Oriental.

EX SENADOR CONNALLY A MURI

WASHINGTON, 30 okt. — E ex-senador Mericano Tom Connally, kende durante segunda guerra mundial y despues di guerra tabata presidente di e comision di Senado pa relacionnan cu exterior, a muri ayera na edad di 86 anja na Washington.

Connally a muri di pulmonnan, despues cu e tabatin basta tempo malu.

Connally kende a representa Texas 24 anja den Senado y 12 anja den Camara di Diputados, a hunga un papel importante na establecimiento di Nacionnan Uni. Despues e tabata un delegado prominente den e organizacion.

President Kennedy a expresa su profundo sentimento ora cu el a tende di e morto. El a conmemora especialmente e yudanza cu Connally a duna na e esfuerzonan di ex-president Truman pa liberar Grecia y Turquia contra comunismo, fundacion di NAVO y e asina yama „programa punto cuater“ pa yudanza tecnica.



SINJAL DI BIDA DI MINERONAN ALEMAN

PEINE, 30 okt. — Antayera a resulta cu den e mina di herra cerca di Peine cu a yena cu awa tabatin tres minero na bida ainda. Nan tabata den un espacio cu aire na mas o menos 90 meter bao di terra, caminda nan ta supone cu lo tin mas sobreviviente.

E equipo di rescate a bora despues di 36 ora di trabao duru e ultimo centimetro nan pa e luga menciona, ora cu di pronto nan a tende slanan cu un obieto di metal. Door di a bora e ultimo centimetro nan a aumenta presion di aire den e luga aki, pa evita e luga di jena cu awa door di diferencia di presion.

E equipo di rescate a ricibi e signalnan di bida cu alegría. Door di e pipa nan a pasa un lanterna, un microfono y cosnan pa scribi. Tambe nan lo trata pa manda cuminda door di e pipa. E mineronan a bisa despues cu nan tur ta salu y cu ningun ta herida.

Gobierno di Neder Saksen a anuncia tres dia di rouw pa e 39 mineronan cu a muri. Ayera 320 minero di Lengede a cuminsa cu sekamentu di e mina cu lo por dura 5 luna.

Na 20 centimeter mas aleu nan a cu-

minza cu horamento di un buracu di 50 centimeter door di cual nan lo trata pa saca e sobrevivientenan. Probablemente nan lo sacanan pa mas tempran awe.

E mineronan a laga sa, cu nan no tabata sinti friu y cu ningun di nan tres ta herida. E di prome cu a papia cu nan tabata director di e mina, despues un dokter a puntra si nan tabatin necesidad di algu. „Si sigaria“, tabata e contesta, riba cual e dokter a responde:

„No, no huma“. Despues familiaran di e mineronan encerra a papia cu nan. Cada mei ora nan ta baha pakinan nobo y remedi. Ta para cientos di persona rond di e luga caminda nan ta bora den luz di proyectonan di television.

Probablemente nan tabata kere, cu un di e 4 mineronan tabata na tempu den e luga menciona durante e desastre. Pero a resulta cu esaki no ta asina.

Ayera mainta tempran nan a pone e toren di boor di mas grandi di Alemania West traha na e intencionnan pa salba e tres mineronan cu a keda serra den e mina cu a yena cu awa, e prome toren di boor, entretantu, a yega te na un profundidad di 43 meter.

Asina cu nan yega na 60 meter hundi, nan lo stop seis ora largu cu trabao, pa pleistu e buracu cu nan a boor, pa evita esaki di hasha den otro. A ser anuncia cu e tres mineronan encerra ta bon te ainda.

ELECCIONNAN NA SUIZA

BERN, 30 okt. — E fin di siman aki nan a tene eleccionnan pa parlamento, cu ta consisti di dos camara, entre otro Raad van State y consoho Nacional.

Cu excepcion di Kanton Zuerich caminda un socialista ta tuma luga di un radical, e composicion di Raad van State no a cambia.

E consoho aki ta consisti di 44 miembro, eligi door di e 22 kantonnan. Cada kanton ta eligi dos miembro. Resultado di e lucha pa 116 di e dos cien asiento den consoho nacional actualmente ta conoei caba. A resulta for di esaki, cu e socialistanan te ainda a gana dos asiento y e partido di campesinonan a perde uno. Te ainda no ta conoci resultado di e kantonnan Zuerich, Bern y Waadt, cu huntu a eligi 84 delegado pa e consoho nacional. Nan ta eligi miembronan di e consoho nacional directamente.

E eleccionnan cu a worde tene den fin di siman cu a caba, a duna e socialista, compara cu e situacion prome cu eleccion, un victoria riparable. Nan a hantia tres asiento mas. E formacion di gobierno di Suiza ta keda manera e ta, basa riba un coalicion di Socialista, Liberal — Radicalnan y Cristian Democratan y Agrarianan.

Un bunita portret di accion saca durante e encuentro tradicional entre Belgica y Hulanda. E wegá a termina cu un empate di 1-1. Aki por ultra e keeper di Hulanda Pleters Graafland y Rinus Bennans defendiendo e gol di Hulanda pa un atakante Belgo.

SECUESTRACIONNAN FOR DI BERLIN OCCIDENTAL

KOENIGSTEIN, 30 okt. — Minister di husticia di Alemania West Bucher a declara awe na un reunion di huristanan y economistanan cu a hui foi Alemania Occidental, cu e agentenan comunista foi fin di e ultimo guerra mundial a secuestra 862 persona foi Berlin Occidental. Tambe cortenan di husticia di Alemania Occidental a condena den e ultimo 18 anja, 154 y cortenan di husticia Ruso na Alemania Oriental 424 persona pa morto pa motibu di crimenan politico, segun minister Bucher.

Australia ta cumpra avion di bombardeo na Merca

CANBERRA, 30 okt. — Sir Robert Menzies e prome minister di Australia a bisa den camara cu nan a anuncia prensa decision di su gobiernu pa cumpra avion di bombardeo na Merca prome cu tempu. Ta trata di avionnan di bombardeo die tipo TFX. Inglatera a spera, cu Australia lo a cumpra e avion Britanico TSR-2, pero e condicionnan Mericano ta mas favorable, asina cu e gobiernu no por a laga di haci uso di dje, segun e prome minister. E prome minister Ingles a hantia sa e noticia aki foi corant, prome e ue gobiernu di Australia a pone na altura di su decision.



Harold MacMillan, e ex-premier di Inglatera a sali for di hospital na Londen, caminda el a haci un operacion. E enfermedad di MacMillan a adelanta su retiro como prome minister segun nan ta opina. E portret ta mustra MacMillan saliendo for di e hospital.

BO HOROSCOPO PERSONAL

ARIES 21 Maart — 20 April



Bo ta den centro di atencion awor y bo por duna directiva na o ronan. Evita complicacion y aventuranan mas den anochi.

TAURUS 21 April — 20 Mei




Bao di aspecto nan di awor bo mester por soluciona tur dificultad. Evita intriganan di otro. Bo famia y amigunan por haci algu pa bo.

GEMINI 21 Mei — 20 Juni



Probablemente bo lo ta ocupa cu conocinan; no tuma muchu trabao riba bo y descansa bon. Awe ta favorable pa viahe y bishita. Actividadnan

CANCER 21 Juni — 22 Juli



rond di bo cas en relacion cu famia y amigunan ta worde stimula. Tene bo asuntunan den limite di bo finanzas.

LEO 23 Juli — 22 Augustus



Tin bon aspectonan pa tur relacionnan cu otro. Esaki ta tanto pa asuntunan di trabao como asuntunan personal.

VIRGO 23 Augustus — 22 September



Awe ta bo dia di suerte. Controla bo impulsividad y fan tasianan. Tene bo mes no factornan real y practico.

LIBRA 23 September — 22 October



Sea practico y para cu bo pianan riba terra si ta trata di finanzas. Aspectonan di awe lo juda bo soluciona problemanan financiero.

SCORPIO 23 October — 22 November



Por ta cu interesnan di trabao ta existi bo atencion awor. Tene e dia mas ketu posibel, evita excitacion y tension.

SAGITARIUS 23 November — 21 December



Awor bo ta hantia e opinion correcto tocante asuntunan; mester bira un dia mas satisfactorio pa bo pero tene poco cuidado.

CAPRICORNUS 22 December — 19 Januari



Si bo laga tur cos bai manera nan ta bai, lo ta posibel pa evita desunion cu otro. Coopera y evita actividadnan intenso.

ACUARIUS 20 Januari — 18 Februari



Sigui desarollonan den bo vecindario di serca. Por bira un dia activo cu hopi contacto nan, coopera y no desapunta otronan.

PISCES 19 Februari — 20 Maart



Bo tin un tendencia pa papia di mas y bisa cos cu mester tene pa bo mes. No tuma chens den asuntunan di plan ta.

BONN SATISFEHO TOCANTE DISCURSO DI DEAN RUSK

BONN, 30 oktober. — Den circulo oficial na Bonn nan tabata satisfecho tocante discurso, cu e minister Mericano di Asuntunan exterior Dean Rusk, a tene ayera mainta en honor di inauguracion dje monumento pa defuncto general Marshall. Un portavoz di ministerio di asuntunan exterior di Alemania occidental a declara cu por saca foi discurso di Rusk e punto di bista Mericano en bista di relacionnan entre este y oeste, kestion Aleman y defensa mutuo di occidente ta cla, razonable y fuerte.


DESGRACIA DI MINA NA SUR AFRICA

JOHANNESBURG, 30 okt. — Dos lift cu 75 minero a cui ayera den un mina di oro na 80 km. na este di Johannesburg. Un equipo di rescate a baha den e mina y a tende voznan. E obreronan a keda serra na varios cien meter bundu den e mina.

E desgracia a sosode ora cu 4 cabuya di staa kibra, despues cu un lift cu mineral a subi demasiado altu. Nan ta supone cu un di e liftnan door di e brake nan cu a cuminsa traha a keda cologa na 300 meter bao di terra y e otro na 1500 meter.

E mina situa na Carletonville na Transvaal den este ta un di e minanan di mas profundo di mundo. Den e lift cu a keda cologa na 300 meter ningun persona ta herida.

Elementonan especial di construcion a worde usa den e trabao di Deltawerken na Hulanda. Riba e portret aki nos por mira con nan ta coloca e penultimo elemento di e total di 374 cu a worde usa. E elementonan ta worde comparti den tres pida door di curayanan di beton, pa asina hantia un construcion mas solido.



BUCHI ROBEZ

presenta pa cortesia di REFRESQUERIA INGRID TEL. 1849

★ e mehor adres pa snacks, tur clase di dushi, softdrinks, ice-cream y revistas

